



Meser: Jedan od najvećih investicionih poduhvata

Ličnost dana

Štefan Meser

Profit uz rizik

Krajem sedmice dolazi u Zenicu da otvori najnoviju fabriku u grupaciji, u koju je uloženo 20 miliona eura

Štefan Meser (Stefan Messer) petu godišnjicu leaderske pozicije u njemačkoj grupaciji „Messer“ obilježit će u Zenici otvaranjem fabrike za „razlaganje zraka“, koju je ova grupa izgradila u bivšoj „Željezari“, po principu „bez rizika nema profita“.

Kada se rodila takva ideja, u prvi komšiluk dolazio je svjetski gigant „Arcelor Mittal“, što je bio znak da treba ponuditi više od konkurencije. Očigledno se Meserova vizija razvoja isplatila.

Krajem ove sedmice Štefan Meser dolazi da vidi najnoviju fabriku

u grupaciji, u koju je uloženo 20 miliona eura, što je jedan od njegovih najvećih investicionih poduhvata.

Grupaciju „Messer“ utemeljio je 1898. u Frankfurtu njegov djed Adolf, a 1956. nastavio Štefanov otac Hans. Firma sa sjedištem u gradiću Sulzbah kod Frankfurta danas ima skoro 5.000 radnika, s godišnjim prometom od 795 miliona eura, a objedinjuje više od 60 kompanija u 30 zemalja Evrope, Azije i Južne Amerike.

Rođen je 1955. godine u Frankfurtu, oženjen je i ima dvoje djece.

A. Dž.